

*hic non est quæstio, sed de tempore seu duratione rei durantis, cujus non negas singula momenta posse à vicinis separari, hoc est, rem durantem singulis momentis desinere esse. Cumque ais, vim esse in nobis quæ ut perseveremus præstare sufficiat, nisi corrumpens causa superveniat, non advertis te creaturæ tribuere perfectionem Creatoris, quòd nempe independenter ab alio in esse perseveret, ac Creatori imperfectionem creaturæ, quòd nempe per positivam actionem tendere debeat in non-ens, si quando velit efficere ut esse desinamus.*

7. *Quod deinde addis de progressu in infinitum, nempe non absurdum esse illum dari, à te ipso postea infirmatur, fatearis enim absurdum esse in causis ita inter se connexis, ut inferior sine superiore agere non possit, de talibus enim tantùm hic quæstio est, nempe de causis in esse, non de causis in fieri, ut sunt parentes, &c.*

9. *Prima lex Naturæ Princip. II. 37. non evertit, sed stabilit allatas jam responsiones, cùm enim dicitur res unaquæque manere quantum in se est in eodem semper statu, non aliter hoc intelligendum est, quàm*